



養素堂文集卷三十三

錄

客問錄

壬戌初秋余以事赴成都寓卓氏洞庭香館餘暑猶勺藥
袒跣臥匡牀亭午火雲燒空風來如炙戒闌人勿通客語
未旣有葛衫蒲扇櫻鞵而至者則洪雅縣大令王梧軒好
音也余曰子何觸熱而襪纈爲毋乃犯程曉之所訶王曰
予居陋如坐蒸甑就君痛飲以消酷暑耳且蓄疑滿腹嚮
君剖析以洩猶豫幸教之毋吝予曰至臣諛聞恐不能爾
養素堂文集 卷三十三

會有孤來意幸言之或當啓予

梧軒曰天蒼蒼莽莽渾然一氣或謂天有門然否倉曰有
之卯天之春門也卯天之秋門也天有九故九門屈平所
謂圓則九重虎豹九關也春秋佐助期曰左右角爲天門
論衡曰天門在西北古樂府曰駕雲車驂白鹿上到天之
門晉秦穆公趙簡子夢至帝所聽鈞天廣樂晉陶侃夢飛
翔翀天天門九處身已入其八餘一門不得進北燕至馮
跋嘗見天門開神光赫然北齊文宣帝從世宗行過遼陽
山獨見天門洞開渠非天有門乎

梧軒曰若然是天有形質非積氣也凡有形之物皆有毀



時不知天亦毀乎。倉曰：易云：乾坤壞則無以見易，是天固
有毀時矣。河圖挺佐輔，曰：百世之後，地高天下，不風不雨，
不寒不暑，民復食土，皆知其母，不知其父，如此千歲之後，
天可倚杵，洵洵隆隆，莫知所終極。此亦言天毀也。然吾謂
世際泯，琴陰陽錯亂，星辰失度，天地閉，賢人隱，此即天之
毀，不必如其工氏折天柱絕地維也。

梧軒曰：蜀漢秦宓對吳張溫云：天姓劉，特以推尊昭烈爲
天子耳。其實天無姓也。倉曰：君不觀道經乎？張堅少不羈，
愛養一白雀，夢天劉翁責怒，每欲殺之，雀輒報堅，終莫能
害。劉翁親下觀之，堅設賓主，乃竊乘劉翁車，駕白龍，振策
登天。劉翁失治，俳佻五岳，佗災堅患之，以劉翁爲泰山太
守，主生死之籍，是天帝本劉姓，易爲張氏也。然南史言崔
靈建夢天謂已曰：蕭道成是我第十九子，是天帝又爲蕭
姓矣。

梧軒曰：世言聖賢之生，皆星宿降臨，是世上多一人，即天
上少一星也。信諸禽曰：不聞徐神翁之對蔡京乎？天降魔
君數十擾亂世界，君即其一。觀于巨奸大慝之爲凶星，惡
煞，即可以知聖賢忠孝皆吉星，福曜之所誕毓矣。老子火
星微子牽牛，顏回中台子路雷精，張良弧星，黃石土星，蕭
何昴宿，樊噲狼星，東方朔，壽星，載在往籍，不可誣也。

晉傳說騎箕尾而箕星乃見曼倩在朝天上無歲星秦苻
堅時太史奏熒惑星不見下游人國唐僧一行囊七豕而
北斗七星不見豈非星降人閒而天上即匿曜乎
梧軒曰舊說大禹治水駐巫山之下雲霓夫人授禹箒召
鬼神之書至淮渦命庚辰鑠巫支祁于龜山下母乃恢誕
不經乎畬曰晉秦穆公時句芒下而賜之壽秦蜀守李父
濊文翁制水靈之性况神禹乎春秋感精符言禹治水天
降聖姑祀緯含文嘉言禹盡力溝洫百弊用成天賜玉女
知聖姑玉女之降則雲霓授符之事有徵也且蒼水使者
自河出獻圖矣唐永泰中李湯爲楚州刺史曾于淮水用

養素堂文集

卷三十三

三

牛五十餘頭牽巫支祁出見之與岳瀆經所言形狀不殊
卽有巫支祁則庚辰非亾是公矣李吉甫自忠州除潛時
峽漲洶怒忽有神涌出水上扶舟問之曰我黃麾神也曾
佐禹治水蕭邁自左史竄黔南亦夢黃麾神佑出境宋冠
準經叱灘黃麾神亦爲之翼舟夫黃麾既有則鴻蒙繇余
夸堅大鬪狂章裔狂巨靈大章豎亥虞余章商童律兜盧
犁婁烏陀陶臣橫革直成昭明郭哀孟涂扶登與夫杜子
業然子堪輕子玉旣子黯東里槐伯封叔范成先亦可信
其必有也

梧軒曰火性熱也而蕭丘有涼酸水性寒也而驪山有温

泉奚以故倉曰此陰陽之氣之所爲也陽極則陰生故火亦寒陰極則陽生故水亦熱海中之陰火潛然河中之石油爲膏則陰中有陽也李媿之聖火不熱江寧之明鑑色青則陽中有陰也造化不測烏得而測之

梧軒曰日中有烏月中有兔何也倉曰日太陽之精也陽數奇故烏三足月太陰之精也陰數耦故兔四足或說日月中並無烏兔乃地與水之影然后弄彈烏顧兔在腹見于螿辭而五經通義曰月中有兔與蟾蜍月陰也蟾蜍陽也而與兔並明者陰繫于陽之義也是月又有蟾蜍矣

養素堂文集

卷三十三

四

書云胤甲既休居西河有妖孽十日竝出夏桀時兩日竝照何月未有二耶倉曰濊建始元季有兩月相承見于東方京房曰君弱而婦彊爲陰所乘則兩月竝出此舊異變故之爲耳孟子曰天無二日則月亦無二也夫人二目也而蒼頡四目鳥一首也而大荒有九頭鳥獸四足也而夔則一足恢奇之生不得以常理例之

梧軒曰世閒善人少而惡人多何耶余曰君不觀天乎鮮風惠日景星慶雲之時少陰暄塵霾苦雨淒風之日常多亦猶是也又不觀之物乎祥麀威鳳白虎赤烏賓連平慮商世而一出而恠鴟毒蛇狂狼獾犬刺棘灌莽逐處皆是

君寤此可以知之矣

梧軒曰唐虞夏商周之君皆聖帝明王也而輿圖反不及
漢唐且大遜于元代豈力不能恢廓而局促自安耶畬曰
唐虞夏商周其聲教所及者遠矣服則懷柔之不肯兼并
其地以爲我有也若嬴秦劉漢以暨金元皆務吞噬以力
制箝暴骨原野中國彫敝雖得其地叛者接踵蓋地彌廣
者德彌狹土逾大者治逾駁觀于享祚之長短可以知之
矣

談次日已莫呼童然燭郵酒又有剝啄叩門者延之入則
呂星泉刺史兆祺也曰君飲何不見招以賜餘瀝乎予曰

養素堂文集

卷三十三

五

王兄設難蠡起幾窮我我舌敝唇焦君母困我星泉曰余
枵腹無書遠遜梧軒然有俗事以質問也余曰試言之

星泉曰時將屆七夕俗說牛女有相會事然否畬曰淮南
子蘧書五王傳四民月令傳予擬楚辭風土記齊諧記咸
言之未可以爲妄也春秋助佐期尙書運斗樞云牽牛名
略緒織織女名收陰星經云牽牛名天關是二星然有其
名矣太白竊織女侍兒梁玉清衛承莊入小仙洞見東方
朔外傳蘧時有人至天河見丈夫牽牛飲河渚一女子織
乃竊其支機石以歸問之嚴君平則牽牛織女星也見博
物志荆楚歲時記梁孝元帝時士女簪白花傳言織女死

爲之箸服見南史孝子董永買身葬父天帝令織女降爲妻日織十匹縑贖之見孝子傳郭子儀赴銀州于塗次見織女乘雲輶而下子儀拜求富貴壽考見神仙感遇傳是織女亦下降爲人妻又曾有死時也則相會于七夕不得斥爲誕言矣

星泉曰俗言半菽不飽世豈有食半菽者乎倉曰半卽說文之斛也廣韻半注五升也漢書云士卒食半菽孟康曰半五斗器名王劭曰言半量器容半升也然則孟康升誤斗王劭斗誤升矣

星泉曰蜀土爲帝王者咸他國人皇古不可知矣列國時

養素堂文集

卷三十三

六

開明自荆來爲杜宇相杜宇禪之漢公孫述爲扶風人劉昭烈爲涿人李雄李特李勢則略陽人王建則許州人孟知祥則邢州人豈其地不利主人耶倉曰蜀人輕脰而善動其得地不能堅守赤甲青羌雖果銳健鬥不能如秦隴之耐辛苦燕趙之習鈍鷺也孔明治蜀故重用之晉時譙縱作亂據州郡大半旋即傾覆此不能守之驗也且山險仄水漂疾詎生帝王器耶

星泉曰世人言太歲又言太陰是二耶抑一耶倉曰太歲卽太陰也淮南子天文訓言太陰在寅歲名曰攝提格太陰在酉歲名曰單閼太陰在辰歲名曰執徐太陰在巳歲

名曰大荒落太陰在午歲名曰鼓狎太陰在未歲名曰協
洽太陰在申歲名曰涖灘太陰在酉歲名曰伯鄂太陰在
戌歲名曰爾茂太陰在亥歲名曰大淵獻太陰在子歲名
曰困敵太陰在丑歲名曰赤奮若漢書天文志云太歲在
寅曰攝提格云云與尔正言太歲在甲曰爾逢太歲在寅
曰攝提格相同不得以太陰太歲分爲二也爾元占經星
占篇引許慎淮南子注云太陰謂太歲也歲星在天爲雄
太陰在地爲太陰是太歲即太陰矣蓋取在地之義名太
歲爲太陰也

星泉曰今世外吏謁上官持手本即古人所謂刺也惟見

養素堂文集

卷三十三

七

于後漢禰衡傳之懷刺此或名刺之始乎又自稱曰卑職
起于何時會曰論衡云韓生通刺謁兒寬結膠漆之交則
在西京之世井丹傳丹未嘗修刺候人仇覽傳郭泰符融
齋刺就房謁之童恢傳楊賜被劾掾屬悉投刺去王符傳
書刺謁皇甫規郭林宗別傳士爭歸之載刺盈車三國志
注引郭頌世語云夏侯榮七歲書日千言經目輒記文帝
聞而請焉賓客百餘人人一奏刺悉書鄉邑名氏世所謂
壽里刺也容示之一寓目使之徧談不誤一人竊意古人
未有紙削竹木以書姓名故謂之刺三代時早用之不知
于漢也元史河渠志有卑職參詳及卑職至眞州等語是

公移棧牘所用也而陳天祥論盧世榮姦邪狀云卑職等在內外百司之閒伺察非違知無不糾是又稱于至尊前矣

星泉曰俗言男女交接犯日月星辰雷霆生子鬚髮皆白名曰天老然否畬曰非也周李聃出胎白髮故名老子豈元杲與盪壽氏犯是忌乎且黃帝臣有天老不聞生而白髮鬣也古人誕降恢奇不常生而能言者帝佶也生而有鬚者周靈王也生而能行者釋伽也後世生而白頭皮膚亦白者此殆其父母之氣感之

星泉曰古詩魚戲蓮葉東魚戲蓮葉南魚戲蓮葉西魚戲

養素堂文集

卷三十三

八

蓮葉北殆一魚也時而戲東南時而戲西北耳畬曰池塘之內豈養一魚乎蓋潛有多魚矣豈此一魚善戲佗魚皆不能戲乎詩人之意言魚有戲于東南者有戲于西北者必不指一魚也杜鵑詩西川有杜鵑雲安有杜鵑豈西川一杜鵑雲安一杜鵑乎解詩不當如此滯時漏三商二君曰今日相逢真解矇矣余曰二君勿復相苦須痛飲各傾十餘盞而去詰旦乃次其言而錄之

鄭司農弟子錄

按後漢書鄭子傳稱受業數千餘人今典籍湮佚無從稽考就其所知者疏記于此

郗慮字鴻豫山陽高平人官御史大夫受業于鄭孚見魏志續漢書云郗慮少受業于于建安初爲侍中國淵字子尼樂安蓋人官司空掾遷太僕師鄭孚見魏志孚別傳云淵始未知名孚稱之曰國子尼美才也吾觀其人必爲國器路粹字文蔚陳畱人官軍謀祭酒受業鄭孚見孚本傳崔琰字季珪東老城人官東西曹掾遷中尉與公孫方同學鄭孚見魏志亦見孚本傳三齊略記云鄭司農常居不其城一作南城又南山中教授黃巾亂乃謝遣生徒崔琰

王經諸賢於此揃涕而散魏志王經字彥偉清河人殉高貴鄉公之難又崔琰遂初賸序曰琰性頑口訥至二十九

養素堂文集

卷三十三

九

粗閱書傳聞北海有鄭徵君者當世名儒遂往造焉涉淄水歷祀馬祀都之津登鐵山以望高密封氏見聞記濩末崔琰于高密從鄭孚學黃巾之亂泛海而南伯遂初賸王基字伯輿東萊曲城人官鎮東將軍王肅箸諸經傳解及論定朝議改易鄭孚舊說基據持孚義常與抗衡見基本傳任嘏字昭先樂安博昌人官黃門侍郎皆爲弟子見孚傳嘏夙智早成鄉人爲之語曰蔣氏翁任氏童見嘏別傳嘏又爲河東太守見隨志應劭字仲遠南頓人官太山太守北面稱弟子見袁紹傳程秉字德樞南頓人逮事鄭孚見吳志又鄭孚傳孚薦孫乾于徐州乾被辟命乾字公祐

北海人後爲蜀從事中郎秉忠將軍是孫乾亦康成弟子
馬昭爲子弟子官博士與王肅駁難見魏志舊唐書元澹
傳云守鄭學者有中郎馬昭上書以爲肅謬王學之輩占
答以聞又云王肅改鄭六十八條博士張融覈之將定臧
否融稱予注淵深廣博兩溘四百餘垂未有偉于予者是
張融亦子弟子也又魏有秘書監孫安字叔然唐元行沖
釋疑云鄭學有孫安是叔然受業于康成弟子也宋均毛
詩謹序云我先師北海鄭司農則均亦傳業者均爲魏博
士見隨志曾注詩緯十卷孝經緯五卷春秋緯三十八卷
礼緯二卷樂緯三卷易緯九卷論語緯十卷及世本注七

養素堂文集

卷三十三

十

卷又注司馬法五卷若鄭志所載有昃模汜閤冷剛臨頤
崇翱崇精王瓚王權焦喬孫皓張逸趙商甄子然鮑遺劉
玟任厥劉德陳鑠桓翱陳鏗巢民田瓊多不得其籍貫里
居惟張逸見鄭子別傳故尙書左丞同縣張逸年十三爲
縣小吏君謂之曰尔有贊道之質玉雖美須彫琢而成器
能爲書生以成尔志不對曰願之乃遂拔于其萃妻以弟
女趙商字子聲河內温人博學有秀才能講而吃不能劇
談見鄭子自序子卒弟子趙商爲篡碑銘見孝經疏臨頤
字孝存北海人博學知名見孔融傳甄子然名異北海高
密人孔融稱爲烈士見孔融集子然與簡子真同藏第五

種見第五種傳又隨書經籍志王粲纂尙書釋問四卷王
粲問田瓊韓益正豔韓益亦乎弟子也田瓊爲魏博士有
功孤論議韓益爲魏大長秋箸春秋三傳論十卷見隨書
經籍志通典魏劉德問田瓊曰失君父終身不得者其臣
當得昏否瓊答曰咎許叔重作五經異義已設此疑鄭子
駁云若終身不昏除是絕祖嗣也除而成昏違礼適權也
巢民見通典所引鄭志問張逸以三苗初竄西裔後分之
于南野今刻鄭志無此文尙鄭記六卷存則弟子之姓名
猶可稽也

名字錄

養素堂文集

卷三十三

七

讀史知古人有名而無字如董仲舒是有字而無名如楊
王孫是然別史外篇或存其名字暇日輯爲錄

神農名軌字后季見孝經鉤命訣春秋命曆序黃帝名伯余
見許慎淮南子注字予律見山海經離朱字子羽見列子
帝嚳字亾斤見真源賦丹朱之子名陵見路史丹朱之兄
監明見英賢傳舜字都見帝王世紀舜字仲粦見真源賦
許由字羌仲見魏隸高士傳共工姓孔名壬見郭琛尙書
說崇伯繇字熙見世紀禹字密見世紀一云字高密羿妻
嫦娥字純狐見楚辭注或云純狐字姁娥臯陶字庭堅見
列子注伯益字墮敬見服虔左傳注伯益之子名恩成見

世系表紂字受德見高誘呂氏春秋注飛廉字處父見水經注伯夸名允一作元字公信叔齊名智字公達其父名初字子朝見春秋少陽篇其中弟名憑字仲遼見博物志仲虺之弟名雍滑見皇王大紀彭祖之長子名萑次子名夸見仙傳拾遺彭祖之孫孚爲周錢府上士見姓譜又孫元哲見古史考老子祖理微取契和氏見路史老子之父乾字元杲見十六國春秋老子小名予祿見集真錄箕子名聃餘比干名胥餘見尸子箕子名胥餘見司馬彪莊子注比干之子名堅見姓源韻謹逢蒙之弟名鴻翹見列子后羿之師楚弧父見吳越春秋又師吉甫見世紀仲雍字

養素堂文集

卷三十三

三

孰哉見世本吳越春秋周公旦字朝明見唐李傑修周公祠碑周公次子名伯齡見廣韻弟四子靖淵見英賢傳召公名醜見史篇齊太公子有將具見風俗通唐叔虞字子于見史記及徐廣引晉世家叔虞少子公明見姓譜呂望之妻馬氏見太平御覽或曰姓司馬氏宣王少子名尙父見廣韻妾名女鳩杜伯名恒均見還寃記杜伯之子隰叔見左傳注周平王之子名精縱見英賢傳甯戚一名越字式見國語注子產一名美或曰字子美見左傳疏易牙一名雍巫字牙見左傳疏一說易牙名巫或又曰名亞譎孫萑字長卿見唐世系表文種字子禽見越絕書呂氏春秋

佗字禽奚祈字黃芊見呂氏春秋孔子兄名伯居見儀札
疏一云伯尼公治長字子芝見史記索隱范甯云名芝字
子長仲由之子仲子崔見師覺授孝子傳顏淵一字叔子
見毛詩傳北齊書以叔子爲顏回顏回之子名般見顏氏
家誡閔子騫之孫文見風俗通管仲之父名山字仲見世
本管仲之妾名婧見管子管仲奪邑之伯氏名偃見日本
所刻皇侃論語義疏釋例接輿姓陸名通字接輿見高士
傳孫叔敖名饒見楚相碑申包胥姓公孫見史記正義又
卽申庶見陸佃鶴冠子注飯伍員之女姓史見李白貞女
碑里克之妻司城氏少子季連見姓氏書晉師曠字子野

養素堂文集

卷三十三

七

見服虔左注周太子晉之子名宗恭見世系表程本字子
萼見袁山松郡國志子路之從成回子夏之從子伯先見
姓誼西施姓夸名光見越絕書或曰卽鄭旦楊朱之弟名
布見列子楊朱姓楊名戎字子居見莊子釋文孟子父孟
孫激公宜母姓仇妻姓由見列女傳及三遷志孟子父名
仲璜見瓦釜後記孟軻字子輿一云字子居見史記正義
陳仲子字子終見高士傳智伯之子知甯見秦本紀吳起
之子名期見劉向別錄扁鵲姓秦名少齊字越人見周礼
疏引史記姓盧字越人見韋昭國語注介子推姓王名光
見列仙傳一作介子綏見琴操杞梁名殖梁其字殖妻妹

名明月見琴操莊子字子休見莊子注田子方名無擇見莊子杜康字仲寧見博物志謝氏詩源墨子姓翟名烏見賈子說林公辛高之子名平見儒林傳九方臯一名歎見列子無鹽醜女姓鍾離名春見列女傳一云名宿癩段干木之子名隱如見三輔汝錄李園女弟名女環見越絕書鬼谷子姓畱名務滋見程子一云姓王名詡字又作詡或作謝見仙傳拾遺公孫龍字子秉見列子釋文匠后字伯尚見文選注一云字伯夔見淮南子注成連本姓田名連見韓子救蛇之隨侯姓祝名元暢見論語疏齊威王有虞姬名損之見列女傳白起之子名仲始皇封于太原見氏

養素堂文集

卷三十三

古

族志秦時毛女字玉真見神仙傳失馬塞翁姓李見高允塞上翁亭詩序外黃小兒說項羽者姓仇名叔爲外黃令仇明之子見太平清話漢高祖父名執嘉或云昆字見世紀又曰名熾見史正義母名含始見世紀一云姓湯氏湯或作溫見史記索隱又云姓王氏善相之呂公名文字叔平見世紀項伯名纏見史記注曹參字伯敬見博物志韓信之子名濼改韋氏見粵史司馬季至之男名法育女名濟雫見真誥東園公姓轅名秉字宣明見陳畱志又姓圜一云姓庾見陳畱風俗傳又姓韋見風俗通夏黃公崔廓一伯廣字少通見崔氏誼綺里季朱暉字文季或曰吳實

字子景見朱氏吳氏謹弱里先生周術字元道或云字道元見周氏謹及周樹洞厓記呂后字姁娥見世紀蕭何夫人名同見溱書注陳平之妻蕭氏手有金花印見姓源韻謹東方朔父姓張名夸字少平母田氏見洞冥記朔之妾名宛若見溱書注其二子長靈次妙見湖廣志叔孫通名何見楚溱春秋丁公名固亦見楚溱春秋董仲舒之子符起被放見世說少子名安見世系表霍去病之子名嬪見功臣表衛青之子字叔騏見西京雜記李少君字雲翼見溱老外傳李廣之父名尚見世系表東郭先生名甯乘見衛青傳馮子都名殷見霍光傳注洛下閭姓黃名閭字長

養素堂文集

卷三十三

五

公見桓譚新論劉歆字細君見後溱書注揚信字子烏雄第二子見劉向別錄東海孝婦姓周名育見按神記壺公姓謝名元歷陽人費長房之師見三洞珠囊竹郎神名興初見異苑楊王孫名貴見西京雜記卓文君前夫程鄭子名皋見曹宗璠卓文君傳梓潼文君名參見張崇文歷代小名記文翁名黨字仲翁見廬江七賢傳壺關三老姓令狐名茂見袁宏溱紀及上黨記侯芭字鋪子見論衡崔烈字威考見摯虞文章志諸葛孔明之女名果見魏了翁乘煙觀記李密一名虔見夔陽國志蔣山神姓蔣名恭字子文見幽明錄曹瞞一名吉利見曹瞞別傳注溱書之臣瓚

是薛瓚見水經注劉孝標云是于瓚見世說注一云是傅瓚見索隱君苗姓應或曰崔君苗見陸雲書衛夫人名鏐字茂漪見筆陳圖綠珠姓梁見圖經其女弟宋禕見世說注孫登一名廣田見仙傳桃源之漁人姓黃名道真見仙傳拾遺按神記薛仁貴名虬見碑文張巡子名亞父拜金吾將軍見新唐書花卿名敬定敬一作驚見杜詩注李白之子名伯禽女名平陽見通幽錄作黃梁夢之盧生名英字萃之見干集仙傳張易之小名苾挈見朝野僉載薛濤字洪度見研北雜志白樂天之女名金鑿十歲忽書北山移文示家人見瀟湘錄楊震家奴名阿對見郡國志霍光

養素堂文集

卷三十三

六

典衣奴名還車見子門寶海經寶憲奴名玉當見東觀記哥舒翰之奴名左車有勇力李林甫之奴名蒼壁性慧敏見瀟湘錄渾瑊之奴高固字小奩見奉天錄又字黃萃見新唐書崔生之崑崙奴名磨勒見誠齋雜記陶峴之崑崙奴名摩訶見甘澤謠紫姑姓何名媚字麗卿萊陽人爲壽陽李景之妾見顯異錄一云姓竺見孔平仲談苑女道士魚孚機字幼微見唐詩紀事又字惠蘭見北夢瑣言

濠碑異姓錄

濠碑異姓錄

濠碑多異姓往往爲姓書所不載亦有姓書雖載而史傳無其人聊舉最奇僻者于此皆楊慎夏樹芳單隆周之所

未見也

孫叔敖碑陰有戶曹掾袁騰固始丞左馮翊如萑樊殺乞復墾下田租口筭狀碑有鬱陰令胸忍先讜馮煥殘碑陰有士曹史穎川闕揚字萑節北海相景君碑文有辯賈碑陰有修行中香字季逮修行營陵臨照字景曜營陵朋暹字萑平故午營陵縞良字世騰修行營陵雷岑字溼興故午營陵雷敏字元成騎吏營麟字敬后朱虛炅詩字孟道故書佐劇乘禹字伯度東安平閻廣字廣宗門下督盜賊掾劇騰頌字叔遠又有去遷陽嘉四年橋柱銘有河南尹邳崇隗河南丞平陽降監橋道掾成臯卑國丞勃海重合

養素堂文集

卷三十三

七

雙福高陽令楊箸碑陰有河東枝彥先故民富郭繁長張禪題名碑有夸侯萑竟舒養伯達資偉山白虎夸王資偉太尉楊震碑陰有南陽真仲忽真孝祖魏郡沐季興弘農薄君明西鄉侯亭長栢昱子政汝南井尋博馮翊虔建侯頊文幾北海齋安祖河東唯彥淵救辯卿梁國富公輔河東刀仲凱蜀郡屬國辛通達李仲曾造橋碑有荷吏代誦北部勸農掾陰代埜公密巴郡太守張納功德碑有賊曹史宥渠曲亂從掾佐萑當晉厚議曹掾老當頓甫文學史江州鉛遷守屬充國誰將閻中孤有安溼邠升守屬江州謁恭法曹史江州愠益從掾佐江州然存元久賊曹史江

州然雄掾史猶潭泰山都尉孔宙碑陰有魏郡鄴暴香伯
子鉅鹿廣宗捕廵字升臺北海都昌逢祚字伯熹北海苑
章字文理魏郡館陶瑱字仲雅童子逢盛碑有督郵苑
敬賓雖后升汲縣太公廟碑有邠勤爲功曹公乘伯喬碑
有郟審叔雍劉鎮南碑有南鄉太守樂陽亭侯旻思韓勅
孔廟碑陰有故豫州從事蕃加進子高番亾字季儒吳郡
卓衷字孟真譏曹掾順陽祭造字始平河南偃師度徵字
藻賢陳畱敦祐字伯助太尉劉寬碑陰有平丘汲政孝方
茂陵摯齊摯縮城荅令勃海東光校萌叔豫鼓陵令豫章
南昌能缺一字濟公汲州豫修真譏郎河東涼則孔成博令

養素堂文集

卷三十三

七

河南密鐔峻興化原荃廉興伯則熒陽榮謙子讓原荃肱
定國故吏應酬殘題名碑有故吏畧習楠宗楠田楠舍楠
且楠庭永興宛令李孟初神祠碑有爾陽貴成酸棗令劉
熊碑陰有好學稽詳子季從掾佐擣橫公節處士雄稠景
暄外黃守尉誠咸字升卓譏曹掾旻荃偉文文學史旻超
公叔桂陽太守周憬碑陰有故吏舍滙堯禹字公制故吏
長沙藻昌寤祗字宣節舍滙長南郡邛蒼陸故吏曲紅潭
承字昇升故行事未陽攀臺字藻威繁陽令楊君碑陰有
至孝涅夔君威處士逸瓌德瑋功曹史良堅子石隗副芳
豪靈臺帝堯碑末有己氏讓禮殺阬碑陰有郡吏緜羣字

伯羣汜文才藥授博文藥遼子長蹇亮君謙郡吏叢常德

潤介演仲瑤郡吏劍翊字子翊營遼升高營仲公郡吏

灌珠升明救舉遂與救舅文曜帶宮宇阿宮但邵字仲雲

司隸校尉魯峻碑有濟陰定陶隸真子然陳畱誠屯又敢

敦涼州刺史魏元丕碑有故豫州刺史朱虛吳襄公遷冀

州刺史王純碑陰有河東助元儁甘陵邳阿子山陽台元

世邵陽令曹全碑陰有鄉嗇夫曼駿安雲金曹史精暢文

亮學師宋恩等題名碑陰有文學掾猶玉衡謙仲卿邨進

賓高米巫祭酒張普題名碑有萌生太司徒楊震碑陰有

河內涅君興魏郡刑升高勃海刑公節州輔碑陰有偃長

養素堂文集

卷三十三

九

督匡仲英楊統碑陰有兒銀字伯玉蕩陰令張遷碑陰有

故吏騶尉義寧山亭碑有馮伯馮供此單姓也又複姓亦

多奇僻者如太尉劉寬碑陰有廣耆令漁陽弋門樊弘盛

陰安長安平經孫龜幼升羽林郎中河南南公玘南公明

大將軍掾穎陰棊母萌德達冀州刺史王純碑陰門生有

東郡成公元節北宮文紀濟北王史拒幼升繁陽令楊君

碑陰有功曹史成功豫伯舉成功宜元助成功速建賢故

吏勝屠琰季巖勝屠曜子節功曹公乘儀元表故民公乘

柱漢舉韓勅孔廟後碑陰有石治柔石治京石治勉興石

治安瑕丘九百元臺九百知命弓仲玉弓仲過行義掾魯

弓如叔都公百燭世平公玉虎故司徒掾東門修文理河
東大陽西門儉字元節泰山都尉孔宙碑陰有河爾阜成
東鄉晨東鄉恭劇如廬浮字遺伯太尉楊震碑陰有平原
陶丘輔溼鉅鹿三川宣缺涿郡右師子操勃海公玉子舉
信成君嚴河南宮進明三老袁良碑有公先勇安平相
孫根碑陰有領校尉終利士楊中郎終利延世終利茂貞
終利道機孫陽治孫陽季龍門禹廟宗季方題名碑有西
陵仲壹殺阮碑陰有郡吏略陽京師略陽孝弟略陽子缺
高陽令楊箸碑陰有沛君所生河東相里文調勃海孫叔
直博陵信都晏和北海相景君銘碑有故修行都昌台丘

養素堂文集

卷三十三

二

暹字世德又故午都昌台丘遷字孟道宗俱碑陰有外黃
申徙商字文夏申徙稱字公秉倉頡廟碑有守左尉萬季
長沙瑗字君平泰山都尉孔宙碑陰有故吏泰山季母樓
凱字世光司隸校尉魯峻碑陰有河東蒲反陽成缺文智
楊震碑陰有河東陽成惠明劉寬碑陰有蒲反陽成忠舍
成陽令唐扶頌有郡掾閭葵巴仲瑄處士閭葵楚閭葵班
字宣高班大子閭葵讓公謙次子閭葵龔叔謙季子閭葵
廉仲絜靈臺碑有閭葵濫凡此皆見于溼碑其魏晉以下
不具論已

吾甘介在邊裔溼魏時尙多顯人唐宋以後漸闕寂矣關輔雖英俊星羅無表章之者亦同歸冥漠暇日閱溼人碑刻凡籍在雍涼者悉錄之以備志乘財擇

太尉劉寬碑陰丙生名有故蓮勺令張掖日勒傳應幼則良鄉長西河圍陽田植君長陝令上郡奢延郭頤升公離石長北地泥陽王昌文都皮氏長右扶風杜陽魏傑齊卿議郎北地靈州傅燮南容魯相韓勅碑陰有敦煌郡敦煌翟孺子房荏都太守李翕天井道碑題名有丞右扶風陳倉呂國字文實門下掾下辨李虔字子行議曹掾下辨李晏字仲齋主簿下辨李遂字子萼主簿上祿石祚字元祺

養素堂文集

卷三十三

三

五官掾上祿張亢字惠叔功曹下辨姜納字元嗣尉曹史荏都王尼字孔光衡官有秩下辨李瑾字璋甫從史佐下辨仇靖字溼德下辨丞安定朝邯皇甫彥字子才析里橋邯閎碑有下辨仇審字公信司空崇俱碑陰有安定臨涇郭撫字子寧右扶風茂陵李璋字世彥禹廟碑有南陽章陵丞安定烏氏樊璋元孫劉寬碑陰又有高密長右扶風槐里王京子直榆次長京兆長安董鳳子產永安長京兆下圭駱缺伯彥蒲子長京兆雲陽袁唐長安杜隲伯瓊元氏令京兆新豐王翊元輔杜陵羅班元希杜陵弭缺季子下圭趙逢新豐王陳長陵成則下圭金訓孔明平陵張宣

鄒樓哀雍劉訓姜靜茂陵肇齊摯愷太尉楊震碑陰有扶
風郭高劔翊子翊田僮芳和高盛叔排楊服國先賈靚于
上慈仁安國張信叔信邑昌縣沈州刺史茂陵楊恭碑成
國渠左有安定梁巖冢碑城內有臨睢長左馮翊王善碑
善有治功屢遷廣濠屬國都尉魯相韓勅修孔廟碑有京
兆劉安初合濠中南鄭趙宣字子雅又茆都太守李翕字
伯都阿陽人郃陽令曹全碑有部吏王宰程橫學者李儒
靈規程寅門下王儆錄事掾王畢主簿王歷戶曹掾秦尙
功曹史王顓碑陰有鄉三老商量伯祺司馬集仲裳徵博
士李儒文優門下祭酒姚之辛鄉門下掾王儆元方門下

養素堂文集

卷三十三

三

掾畢世異督郵李謹伯嗣督郵楊動子豪將軍令史董溥
建禮郡曹史守丞馬訪子謀楊榮長孳鄉嗇夫冏駿安雲
功曹任午子流功曹毛定吉王河孔達王吉子儁王時孔
良王獻子上秦尙孔都王衡道興楊休當女王衍文珪秦
杼濠都王翊子雲杜安元進郵書掾姚閔升臺市掾王尊
文熹杜靖彥淵主簿鄧化孔彥門下賊曹王翊長河市掾
王理建和成播冏學楊則孔則程璜孔休扈安子安高貢
顯和王瓊季晦門下史秦並靜先賊曹史王授文博益曹
史精暢文亮集曹史柯相文舉賊曹史趙福文祉法曹史
王敢文國塞曹史杜苗幼史吳產孔才

缺二

部掾趙昃文

高又倉頡廟碑側題字守左尉萬季長沙瑗字君平衙縣
三老上官鳳季方時勤伯秋衙至記掾楊綬子長衙門下
功曹裴篤伯安衙門下游徵許愔功上錄事史楊禽孟布
集曹掾馬子仁馬伯超馮翊賈仲謙孫元鳳孫升國劉彥
長楊季明趙子惠虔建侯蘇文夏京兆田元矩左元臺即
農薄君明馮翊張子則京兆袁子方馮翊救辨卿馮翊頊
文幾高陽令楊箸碑陰有馮翊上官孝蘭字元歷戶門頌
碑末有五官掾南鄭趙邵字季南屬褒中鼂溇彊字產伯
書佐西成王戒字文寶行丞事西成輔服字顯公都督掾
南鄭魏整字伯玉趙誦字公梁張公神碑有監犁陽營謁
養素堂文集卷三三

三

者丞左馮翊夏陽趙寵德雅三公山碑有元氏左尉上都
白土樊璋字子義元氏令京兆新豐王翊字元輔樊毅舉
山碑有掾嶽陰王萇字德長都水掾霸陵杜遷書佐新豐
郿香縣丞隴西彭和伯怡左尉隴西甄璆叔曼殺阬碑有
左尉金城令居張德元缺有秩長安賈福仲鮫田亮伯南
蘇熹仲夏高紺子彊蘇璋元興路陽子慎缺二仲義蘇立
仲節李邵伯孝李政曼安王勝元超趙榮宜昌侯榮缺方
趙殷仲理王弼溇侯楊習元永萇防季方介仲景升趙齊
子成但邵仲雲田芝子叔張珪子珪桓梁子順來臨選高
許傾缺二字楊平長方李珍伯缺丁封溇侯李極元永范建

養素堂文集卷三十四

荄威張澍介侯

紀商諭跋

紀苗警

桎南鎮篳與黔之銅仁接壤箐深地阻蠢苗蠶聚性獷悍甚攻門劫殺無日無之毋扇爛銅苗輒與之犄角壬戌季穀不登越貨於路塗之人咸暴足焉屆歲莫鳩合魏類刑牲灶穆庸號其魁爲大王期以正月十六日犯銅仁玉屏與銅密邇汛兵五十前撥三十駐正大營存者僅二十耳城垣傾積無巖罅足守邑之人警於竹山之役嘉慶二季事咸

養素堂文集卷三十四

卷三十四

一

覩覩焉驚余謂屏邑雖小苗不足憂也龍塘當邛水之衝界牌扼鬼廬之要地險旣得防守斯宜城北六十里之巖巖苟選鄉兵數百占護山梁則銅仁施谿六洞水銀等山之苗不能至城南六十里之壩坪苟選鄉兵數百碁布澗谷則南路革谿天塘之苗西路新谿南洞之苗至則授命北有平江鴻波瀾盪不可以厲檄漁人而藏其舟楫苗豈能飛渡耶余旣以解父老之惶惑方欲召募壯勇郤署糧糧執梃以爲袂從先會鳳凰廳傳司馬率健兒至誘其渠禽之餘各鳥獸散矣聞造者荆蠻之叛黃瓜寨掘地得古碑有火龍飛入黔南地二月興工八月休之讖旣而狎苗

起興義延蔓數郡縣掘墳屠隴民受洪荼合榷師勦之乃
定歲月悉符茲幸天奪醜魄虺毒未歛吾亦固吾圉耳藉
使木札羣飛布巾爭舞銅之苗觀釁森起而清江台拱之
九殿復響應之上覆飛鳥下不見伏兔孰必療原誰其捧
海當事有李化龍鄧子章諸公庶可以釋父弭變卧鼓安
邊以紓

九重宵旰之厯哉

紀詛盟

宋遵義軍圖經云民信巫鬼好詛盟嗟乎此不獨遵義也
黔之民類然做憂磨噬靈設鬼笑者老引經投石結草偶

養素堂文集

卷三十四

二

然魚置便祀鮑君無意李栽競傳愈目其起於鴟義矯虔
之有苗而至令習跛擊乎或者曰小民有情而不得申有
冤而不見理於是不得不愬之於神而鬼神之徃來於人
兩者亦或著其靈爽視聽所接賞罰爲昭蚩蚩之氓其畏
王鉞也常不如其畏鬼責而君子猶有取焉者謂可以輔
王政之窮也管蘇公罹彘辛之讒則出三物以詛爾斯屈
平遭椒蘭之嫉則告五帝以折中命咎繇而聽直何況於
里巷之人乎余曰惠吉逆凶福善旣淫經有明訓矣若近
日所傳地獄之說感應之書則釋氏因果之旨也聖王御
世納民軌物克迪斐常彝倫攸叙範其衰志敬之遠之莫

不灼然於鬼神之故而其鬼亦遂不神是即所謂神道設教也而豈聽命之云哉

紀治盜

黔之地縣峯林太虧日投雲恠石堪當曝鼈寢虎散無統紀如仇相避又山枯水涸剛柔數騎逐隊東馳環繞不定生理窘蹙而衣食以禦人儻亦形覩使然雖有猛吏銳意追捕迺至不勝犯不勝誅何也聚則抨弓注矢探丸飛墮散則牧犢飲芋摩蜃迎貓皆吾民也又或郊關之外毒箐幽崖我不得而至焉囊篋罽纒委之而去僅以身免歷險衝危踉蹌呼籲於有司弁役疾馳而至則蹤景消滅是故

養素堂文集

卷三十四

三

始於剝商漸則官被劫斂始於攫貨近則人茹金刃何可忍言鹽鐵論曰水有獮狽池魚勞國有鬲圍齊民消如之何其聽之也遵義幅幘遼瀾統轄十三里毋里十六甲煙火輻輳地執險阻其民桀驁詭譎梁楊酋之餘習而里甲多巨猾值趁虛日輒聯外來覲客標掠錢貨以爲常余代庖之日吏民初以余之少也而易之然積聞其在玉屏聲觀望不敢動然予之治盜以虛不以實毋見同寮有獲盜者輒毀折支體飲以鹽滷矐其目竊傷其酷而卒莫之能戢者賊以爲法盡於是吏亦以爲法盡於是役亦以爲法盡於是且議其忍也而不肯捕盜因是益熾余則不然受

事日召集里甲訊其素鴟義者斥之選大愿慤嚴諭之以杜絕飲博謹守堡寨其容畱匪類者辜無赦其有警而不協力禽者辜無赦其有被盜而匿不報者辜無赦惟里甲倍償而又於邨鎮爾津通衢僻路布令以威刑懼之於是乃不用捕而用儆非不用捕也蓋捕則疏儆則密捕則真盜或忝匿而役以局外者當之巨盜或遠颺而役以鼠竊者塞之俚則囊橐何氏鳩聚何所肆劫何地黨羽何人起發何期過抵何許灼然在吾之心目而又虞儆役之給我也復擇役之誠諳者規之耳目既廣聲色不聞彼宵小者以爲吾之疏之也乃稍稍露跡而儆之者旋至迅發役捕

養素堂文集

卷三十四

四

之罔不獲其聚集多人者親率役捕之罔不獲值趁虛之期微服遣察之伏壯役於側近有肆斂者即禽之罔不獲役有不用命及賄脫賊者痛懲之責令倍償其失恭命則重賞之其渠賊吳賴頭賽曹操把地王等以次就禽無良之徒各恫駭惶疑余之日出而網羅之四張也乃大沮散遁於桐梓正安綏陽等處後遇桐梓令衛君天民商曰子其以鄰國爲壑乎余曰子甘爲逋逃藪乎衛未有以應也

紀毒蠱

周札士訓掌道地圖以詔地事道地隱以辯地物鄭康成

曰地慝若瘴蠱賈公彥曰瘴即瘴氣蠱即蠱毒人所爲也
是古管隆時卽有假此以惑人者故設庶氏掌除蠱毒以
攻說禱之嘉草攻之礼注賊律曰敢蠱人及教令者棄市
先王鴻術經世設科防姦如此但其所謂嘉草者今不可
得而知矣宗懔曰周礼庶氏以嘉草除蠱毒卽藁荷也神
農經亦云白藁荷可治蠱王逸大招注曰苴蓐一名藁荷
史記相如游獵賸注爾駟云傳且藁荷與叔師注同傳且
藻書佗巴且文穎曰芭蕉也明丘瓊山集羣方鈔不知藁
荷爲何物楊用脩引急就章注云白藁荷卽今甘露蓋誤
以芭蕉爲藁荷也司馬賸既有諸蔗傳且又有苴薑藁荷
養素堂文集卷三十四

五

傳且非藁荷章矣古今注藁荷卽臍苴而白臍苴色紫花
生根中花未散時可食久置則銷爛不爲實矣葉卽薑宜
陰翳地種之常依陰而生潘岳閒居賸所云藁荷依陰是
也夫蠱之於人毒矣中之者嚙豆不腥含礬不苦則腸絞
歐吐救稍遲則僵而金蠶爲最昏夜飛飲水次光如曳擘
鮑明遠詩所謂吹蠱痛行暉也按千寶按神記云蔣士先
中蠱一作蔣士有備其家密以藁荷置席下忽大笑曰蠱

我者某也

一作食我蠱者乃張小二也

自是解蠱藥多用之故葛洪方

云人欲得蠱姓名者取藁荷葉箸病人卧席下大呼蠱主
名也而草木狀云吉利草其莖如金釵股形類芍藥交廣

猺俗多畜蠱毒惟此草解之極驗吳黃耆中江夏李侯以
罪徙合浦始入境遇毒其奴吉利者得是草侯服之遂解
其吉利即遁去侯因此濟人遂以爲名此草想即藁荷特
因人名異稱耳夫九尾之狐谿邊之皮蓋雌之鱖魚帝臺
之五色石游戲之三足鼈皆能已蠱然其物如龍肝鳳髓
渺不可得今則磨鉛汁飲之即大愈無俟商法於柳州
矣物類相感志黔南桂州出錫蛇粗如大指甲有金銀星
解蠱毒西谿叢語云煎石櫛根皮汁食之即吐出愈又
云以白礬牙茶
搗末冷水飲之

紀九香蟲

余髫季在外馬足車塵爾爾萬里得勞疾恨無翠蘇之我

養素堂文集

卷三十四

六

遺也目見潢池弄兵梁渠舞羽黔首流冗得痛疾恨無草
荔之我惠也改官於外無吏才牒訴恹恹敲撲喧囂耳遂
以讐恨無文莖之見贈也民陝輸而苗剗蓋上下喾窳是
非區霧憤放手者之類越貨也則忿之甚思得帝休服之
握符衝塗日惟供億稱媿之是急無瞬晷展卷幼時所誦
經書茫如癡寐是爲忿疾思得迷穀佩之時復勘地巡稼
登峻岑冒毒霧飮飲不時得痔疾誰則投我以赤翁之機
烏蛇尾之虎蛟者兼此六疾百里何堪乃者挂冠引退囊
無阿堵甌無洗耙飢腸時作鐘球鳴也暇輒覽列仙傳慕
葛稚川之爲人便有意縱志舒節以馳大區與造化者俱

又念夙無仙才未必有仙骨私覬選崔文負局食我以黃散餌我以紫丸庶蝸甲濁穢拾階霄霓迅千靈於一斲方塵劫於俄頃茲聞畢節之赤水出九香蟲服之身輕喜甚詢之土人言蟲生滴水中春夏出遊水面者不可用秋冬潛伏澗石土人掀石得之售人服法用十四枚微火炒去殼翅及足七枚去殼翅足生用毋服一生一熟作一次嚙食白湯下日服二三次俱可用完十四枚而止儻余得是蟲也不羨荷扁之丹砂矣或曰服之尤宜子云

紀異魚

洞庭中流漁人網尋細魚一罟共百餘尾內一魚形狀甚養素堂文集卷三十四 七
異首似牛齒口圓睛突出頷下白須四莖頤旁白須二莖差脩脣上紫須二莖頷左右骨刺如刃長寸許周身色似黃蠟而尾赤鬣紫脊隆起如阜腹因浮起金色洶沫尚活余以數錢市之蓄于盆水揚鬣鼓頤羣魚爲之旁衍庸庸耶禹禹耶鮪鮪耶余不尋而知也按劉劭七雩謂洞庭之鮪紅腴青顛朱尾碧鱗與此微異志之以詢知者

紀夢

戊子之十月夜夢處廣庭之上旁列書籍殆萬卷遂手取一編籤題梁書縉閣中爾如漢書古今人表式前頁有橫格無字次頁第二行書曰所夫琮下小字曰琮寧遠將匱

屢欲紀此夢而未果後二月又夢至一所看梁書形式如前第二頁三行云六州都督所夫紳上四字差小下三字微大按所夫本虜姓唐時高麗將有所夫孫梁果有所夫珠耶何夢之恫也又果有所夫紳耶何夢之類也又于今上十三季一管夢讀左傳末有云濼永平二季葬梁冀妹又夢讀鄧璞游仙詩濼荏非仙才句下注云一本作象才

雨

答客商

予既竊忠荏集成客有商者曰吾子體慕諸葛稗薈遺文咸有依據厥意良勤而輕改陳書靡所回護毋亦過於

養素堂文集

卷三十四

八

勇沒乎子曰是固承祚之隱衷必賴後世更正者也慨自爰精淪幽天光分耀昭烈宗系建國爲濼帝制拓規當時詔誥盟誓大義炳然也而平陽相委贄典午曲徇時情安加蜀稱失其實矣且改元頒麻緒紹正統乃儕諸南唐辱王貶損尊號尤爲不倫夫大言必正名名正斯言順以諸葛之解帶輸誠翊贊季興斥絕二邦有同芻狗而於對命陳詞呼所至尊輒曰先主恐非膺臆之所肯出也故知易濼以蜀更帝曰主乃敵國之醜詞箸佗之虛錄矣管劉知幾論後濼劉子列傳以爲東觀秉筆客或諧於當時後來所修理宜棊革正此類也宋蕭常祖習鑿齒之說改修三

國志爲續後漢書十卷以帝蜀黜魏元趙居信宗資治通鑑綱目之例纂蜀漢本末三卷以蜀漢爲正統郝經纂後漢書九十卷大旨與蕭常同復作八錄以補陳志闕畧謝陞纂季漢書五十六卷紀劉氏爲漢列吳魏於世家是曩來通亮之儒皆用訾詬而常璩反沿西充之志裴松竝無糾駁之文未免禱昧不察阿枉矣顧炎荃曰今之君子旣非曹氏司馬之臣不當稱昭烈爲先主姚燧曾以朱仲晦書帝禪以後主爲非是卽予稱漢稱帝改陳氏之悒也

四書商

商冉求多執竟爾聚斂宰我辯辭輒欲短喪攻以鳴鼓是養素堂文集卷三十四九
政事無與於學商比之朽木將言語不關於性情五鄉童子與其進潔何辭孺悲以瑟歌達巷黨人譽以博學何述不試於琴牢周公驅虎豹犀象難弭兄弟之畔舜不迷烈風雷雨未順父母之心將由人不如物待且必勞仰思亦豈天近乎親于田可以號汰我憎厥故子暢其原

易經商

商易道精微取象人事西鄰禴祭自指文王而享於岐山或卽改元稱王之證明夷利貞斯爲箕子而內難正志不居演疇對範之先帝乙歸妹宜屬成湯仲翔以爲紂父高宗鬼方自是荆楚宋衷乃謂先零此之差違各以詳對

論

勸民捐賑論

夫天災流行原非無故人事補救實賴有恒杼柚其空望
饑殮于此日籌車不滿祝豚蹠以何季于此時也而不哀
多益寡酌盈劑虛分倉粟以拯飢發積金以恤困諒亦人
情之不忍毋乃天理之難安頃在合邑猝遭浸淹實可矜
憫本縣繫念蒼生何啻赤子親臨撫卹據實勘明慘聞澤
鴻之聲忍見魴魚之尾必使一夫不失其所萬姓皆登于
臺但博施之難能而罔擎之易舉其有情殷桑梓念切枌
榆或出穀盈千或捐金累百分蓄救患濟困睦鄰管縣磬
養素堂文集 卷三十四 十

而無鳩今汎舟而有豸仁之端也惠莫大焉本縣善與人
同貨惡地棄必當錫之扁額以旌義風况城池所以衛民
倉廩所以蓄眾亦當各分筐篋勿恡錙銖俾成仡仡之觀
庶免陳陳之朽嗟夫爲富不仁奸豪之所笑聚財能散聖
哲之所嘉爾有罔其懋勉哉爾有罔其懋勉哉

正風俗論

瀘邑風俗雖屬淳樸而有敗化敦倫淩不可躔行者如鄉
民童養之媳本爲長子娶也迨長子歿乃換易庚帖爲伯
也妻者即以爲仲也妻或爲季也婦者即以爲叔也婦一
轉移閒頓乖人理姦則治棲媚則薦枕此夸療之所行而

姤然爲之又婦女入廟焚香本干例禁乃有求嗣於佛祈
夢於仙俗宿禿顛之榻同食伊蒲之供其菌蓋有不堪言
者而其夫甲顏不耻良可怪也且復招引僧徒鳴鈸誼饒
少婦豔粧列坐目挑心招何曾說法徒以誨淫此尤爲風
俗之蝨若人子之於親生當盡養終髓甘旨之必精炖當
盡哀衣衾棺槨之必具如是而已乃又廣延僧道晝夜誦
經酒食歌呼徒糜金錢無益死者儻有知礼之家祇行奠
醮不事懺悔則以爲儉於其親羣詈詈而姍笑之尤可異
者延請西席多係僧道之流又或醫卜之輩夏有曾爲胥
徒亦充其選衣冠不似學究頭腦何止冬烘如獼猴之騎
養素堂文集 卷三十四 十一

禁溺男女論

夫天地之大德曰生父母之所重惟子男則延翠緒女則
連絲繡未可因貧而棄之也觀寶菴母死蛇拊棺而塗法
浣紗女封蛟赴隴而隕涕是異類之蒙函育者且知感所
生哀所命而人顧以屬毛離裏之愛忍殘殺之哉在晉漢
末泉陵鄭產爲白土嗇夫時屬多事國用不足民多不舉

子產勅其勿殺代出口錢力言于郡表除之晉王濬爲益州刺史俗多溺子女爲嚴其科條寬其徭役活者數千人後伐吳所活者皆堪爲士卒父母戒之曰府君活汝汝必死之宋時浙人歲輸身丁錢絹小民生子卽棄之稍長仍殺之太守孫熹誦知江渚荻場利甚博令有司籍其數請代錢絹符下之日民歡呼歌舞始知生聚之樂蘇文忠公與朱鄂州書云王殿直天麟言岳鄂閒田野小人例只養一子多輒殺之尤諱養女始生以冷水浸殺之父母亦不忍率閉目背面以手按水中良久乃死是古管賢詰爲政莫不以弱男女爲禁蓋重生命也今瀘谿亦有此敝俗深

養素堂文集

卷三十四

七

可賊性諭到其各改悔無仍慘酷倘有家貧不能養者送育嬰堂俾乳母育之異日長成仍許領回倘或不遵私自淹斃定照故殺其子孫例究辦毋忽

諭瀘谿紳耆

去歲本縣重脩邑志人必徵實事必傳信凡鄉曲謹牒造僞妄篡者皆行芟刪其時固未見萬厯十季陳葑石所脩初志也今蘭之實于本縣之去取相符可以知其精審矣乃卸事以後該紳耆等子人物志內仍添周廸黃表鄧璩蔡苑諸人又增益近時數十人殊爲不解夫周廸者乃臨川之峒賊梁陳之叛將佃鄉不常身攫顯戮引爲桑梓之

光豈非粉榆之耻黃表者唐室何郡之鎮將節度何州之
兵馬何朝錫銀魚之袋何君賜柱國之封黃姓有何據而
以爲祖乎鄧瓌者僖宗之紀沙陀之傳均無其人同光之
季天成之會杳無其事所言威匱節度果是何代之衣冠
鎮守江甯知係誰家之疆域鄧姓有何據而以此誣史乎
又新舊五代史周廣德時不聞有進士蔡苑也天下兵馬
元帥唐肅宗以其弟建寧王爲之諸道行營都統唐昭宗
以宰相王鐸任之不聞有天下都統兵馬也且蔡允恭係
天策府參軍後爲太子洗馬新書言其爲荊州江陵人何
得在瀘谿而死爲其後也而冢墓之志復載于志寧之塋

養素堂文集

卷三十四

三

兆考昭陵陪葬之冢與石馬爭高文本紀功之文有豐碑
久峙天下皆知爲高陵之籙矣者乃繆指瀘谿之人雖齊
東野語遜此荒唐又列女中增入鄧九娘尤可詫異夫東
陵聖母漢史不書宣城李娥吳志不錄九娘何人見何紀
載而冒昧入之大抵盲人執鏡不知日月之明矮人觀場
罔睹魚龍之戲豈眞目不見曉實亦舌未有端易大傳曰
誣鬼神者殃及三世爾等詎未之聞耶不加彘削非惟招
鄰邦通人之姍笑亦且貽瀘邑後起之詆訾若選舉志中
增仕籙封蔭耆賓諸目在前代者無可考稽在本朝者又
屬微末比于鄉會之科旣已不類儕諸烟户之册庶幾于

倫烏可溷志乘乎爲此誕告爾眾尚其守狄菴襄之不何
梁公斯爲持正毋效郇崇韜之矣拜尚父致陷僻邪也此
論

跋

奉天錄跋

此秦人趙元一所紀唐德宗幸奉天之事也自建中四季
李希烈作亂溼原兵變朱泚僭僞李懷光埶逆以至瀾城
臯除大憝李晟收復京邑而止是書每段多用儷語形容
之又引詩書語贊歎之其敘駕次駱谷誤入別徑忽見蘭
若有八十餘歲老僧扈從千人應時飽飯回駕南邁倏忽
養素堂文集卷三十四
之閒不見僧舍但有空山涉于神恠類小說家體而于瀾
城李晟李勉段秀實皆稱公以寓尊敬之意佗人雖顯伏
直書姓名也宋子京作新唐書多采其說成都龍燮堂觀
察以是錄遺余爰記于後

李長吉詩跋

余讀長吉之詩竊以爲似揚雄之文也其幽思詰屈奇采
陸離寄興無端離騷與伍世之論者輒議其險恠難解有
心雕績則惑之甚夫以昌吉之才髫齡驚眾而媚忌者流
沮其進用使之隄塞不伸情菴志懣發爲歌詩舒寫鬱抱
宜其龍騰虎攫波謫雲詭也而淺者以凡近測之是元輕

白俗轉擅勝場矣無恠宋儒以艱深病子雲也昆鳥知子雲昆鳥知昌吉

張稷若先生風角書跋

風角書濟陽張稷若先生刪古人成說釐爲八卷彙行者也余官江西瀘谿以事赴省于畢恬谿明府案頭見此書僭園之恬谿舉以相贈歸陝後安康張補山判官自京旋向余僭將歸蜀重雕乃爲之跋曰風角之術晉師曠漢之東方朔翼奉施延郎覬何休楊厚楊由任文公李尋方儲吳伉青牛先生管輅等咸精之以占災祥吉凶大而國家小而人事無不符驗蓋其理微其數邃矣或曰甸旅之勝養素堂文集卷三十四

五

敗存乎謀勇與地形之險夷季歲之豐歉在乎播種與雨水之旱潦生人之旤福係乎行爲與命邇之通塞何與于風而占之也余曰風天之號令猶之日月星也日有鑄監彌想月有朏朧薄蝕星有飛伏震逆古人胥以觀妖祥風有順逆喜怒亦以之占休咎不誣也管黃帝臣伍胥鄧伯温善孤虛相旺凡攻戰聽風聲以洩勝負春秋時列國兵爭往往吹律觀風此五兩之羽所以太和而也若農人耕殖之期亦候風信通卦驗之所言確不可易仰枝上之少女可卜其得甘霖也又養生經云脩身之道春避青風夏避赤風秋避白風冬避黑風是疾病亦生于風矣况吹脯

而薦橘柚入竈而衮翁嫗有前聞矣夫風天地之噫氣也如人之呼吸然呼吸有寒熱即以知人之虛實則夫風起之方或細或巨或緩或厲有不可以逆觀其災祥者乎

臨清日記跋

此吾師秦蓉菴先生守臨清日所記也乾隆三十九年八月二十八日壽張教匪王倫作亂殺知縣沈齊義其黨王經隆起于堂邑應之遂陷堂邑殺縣令陳杖破陽穀殺丞尉時臨清知州王溥以案鑄級赴京引

見先生以州判權知州事卒然變起來犯州城先生率文
荖官僚嬰城固守自九月初七日至月之二十三日大兵
養素堂文集卷三十四
合勦賊眾殲焉臨清有兩城其一爲土城卽外城跨迤
河周四十餘里河繞其內城環其外積圯已久城中土岡
斷續地勢繚曲徑路百出萬不可守自外城折而東數里
又折而北爲頭閘二閘而大關亦在焉又其北數里爲內
城可守先生與副將葉信議守之賊眾數萬攻圍不休守
之彌固

天子嘉其能卽授爲臨清知州而大學士舒反以守內城
爲非奏以爲大優僅以知州銜管肥城縣事嗟虜功名之
際難言之矣臨清以孤城當賊鋒南北隔絕無軍無餉居
人驚駭先生糾紳士以捍敵鎔鐵錫以鑄兵撤屋宇以供

薪絞破衣以爲繩擲油火以焚車絕死士以所營毀高樓以絕瞭望燒大寺以斲藏匿飛礮擊碑而不思劍客入幕而有備隨機應變整暇有餘卒使披昌狂寇不得逞其狡謀坐頓堅城之下諸帥合圍幕燕釜魚卒就焚如非先生守禦有方賊得據爲巢穴則三齊之旣且無已時雖禁中頗牧亦未易奏膚功也對于甲寅歲在先生糧道署曾讀欽定臨清紀略日久忘其始末今官江右先生弟四子蘅洲以吏目分發豫章貽以此記爲書其後不勝慨慷

西方答商跋

此西洋艾儒畧所述分上下二卷刻于閩爲崇禎十年其

養素堂文集

卷三十四

七

上卷自國土路程海船海險海賊海奇登岸土產製造國王西學官職服飾風俗法度謁餽交易飲食醫藥人情濟院宮室城池兵備婚配續弦守貞葬札喪服送葬祭祖共三十一下卷自地圖秣法交蝕列宿年月歲首季號西土堪輿術數風鑑擇日共十二而術數風鑑擇日未刻觀其述國土則意大里亞也路程則去中國九萬餘里也海船則容千人也海險則獅海馬谷大浪山茹答礁也海賊則紅毛夸也海奇則巨魚嗜油酒也登岸則香山澳也土產則鎖祇多羅絨盒銀絲緞火浣布也製造則西琴編鐘自鳴鐘也國王則吳爾巴諾也西學則醫學法學教學道

學也官職則文理法醫教道六科各有官長也服飾則文
官用寬長衣襟不左不右中衽之也風俗則道不拾遺暗
偷者斬手彊盜論死也五倫則人倫之上有一大倫最初
造物之主所謂天主也法度則有囹圄刑罰不用箠楚也
謁餽則以酒食不用金銀也交易則用銅銀金錢也飲食
則用火炙盛盤全置几以敬客也醫藥則以瓶盛溺識其
病源孩童出痘用珍珠末幾分涼血消毒也風俗則尚直
重信不用欺詐愛人如己也宮室則甍石爲齋屋多爲樓
冬不寒夏不溽也兵備則城郭相連有敵樓銃臺銃以銅
鑄也婚姻則臨時定聘一夫一婦無偏室國王亦一正宮

養素堂文集

卷三十四

六

無妃嬪也寡婦守貞不再嫁也葬禮則不停柩次日卽葬
墓在聖堂後不在山野也喪服則用乎黑取幽冥之意也
送葬則親族各執一燭官高者燭逾多也祭祖不用犧牲
陳飲食于墓不焚紙錢也地圖則有萬國圖以大地居天
之中如茆黃在殼內大地度數與天之度數相應也分爲
五帶者二寒二溫一熱也秣法則有幾何原本同文指筭
遠西奇器圖說皆言度數不言占候祿福也日食與月食
不同月食則月眞失光日食日未嘗失光但被月遮掩也
星宿則分渾天諸星共成四十八象查南極諸星又增十
二相以分野之說爲非也且以貫索非牢獄爲晁旒吉星

也季月則以太歲行度有準故以太陽歲爲日用之筭與中國節候相合而于月日不同也有閏日之月未有閏月之季也歲首則在冬至後十數日也堪輿則以爲繆不擇山地以葬親子孫之窮達貧富夭壽不繫乎此也據其所言雖中國礼義之邦有所不如大抵多文飾兜人不盡如其所言要之秣學筭數實精余官蜀日有緝得西洋人徐鑿牧者傳教隱僻奸詭曷嘗誘人以正道如儒畧所云哉蓋外託讜言內行邪術蘭是編者切毋爲其所惑

朱小裴明府松廬清課圖跋

在管五柳先生巾箱鼓好亦聞七松處士烏桕聽秋良由
養素堂文集 卷三十四 九

時還讀書不羨芝生飛節老而寄意要將名配古人然彭澤歸來三徑尚畱薦影隱嵩暇日一編豈少芸香繫我小裴爲今卓者鐘山豎議辯折張譏刻水締交明聯晉法方當棟梁以大用乃爲林壑之幽情夢縈秀峰花開白鶴印綰園水樹引黃蛇小民旣拜乃甘棠君子又吟其箴竹愛閉戶之多歲種得龍鱗羌有心以貫時何勞塵尾况復三宵竹月蝸徽則碧玉函來兩腋生風雀舌則樵青嚮出補桓譚之琴道續陸羽之茶經可謂人境結廬事外畫穎者矣澍也遇類文通半椽無屋嗜同惠子五車有書憶學士之亭槐記夜郎之精舍

清平有鶴樓先生讀書堂澍在黔時曾爲之記

貧而累仕

儒又誤人因題此圖反觸我臆乃知耽商之宏景卽是勤學之顧歡也

張雲樵比部祠堂記跋

周書之命有云曰篤不怠釋之者謂善其德而不忘非也夫篤卽竺也厚也言厚於親也又與督通言督其雲仍以繩祖堦也先人之沓容已塵邈矣栝棖則占護之胙蠶則漚鬱之而謂非恪慎克孝與星臣平伯于廬左契地營祠以合祀其先樹垣先生旣記其顛末竊謂斯祠之建餽餘致福備言燕私親愛之心油然而生與容臺記之言色不忘乎口聲不絕乎耳心志嗜欲不忘乎心同一指也爰推養素堂文集卷三十四

辛

廣經義以爲之跋

范楞阿先生歲寒堂讀杜詩跋

歲在道光辛卯四月余來袁江訪芥航河帥獲晤嘉興范吾山觀察梧隸人也以尊甫楞阿先生歲寒堂讀杜十八卷囑爲更定余披讀再三乃把卷而慨然也憶當日者破帽疲驢荒山奔走殘杯冷炙到處酸辛凍雀依人西山寇盜拜鵬念至北極朝廷而衣短纜長時多惆悵人老律細佗有波瀾今先生讀之萬徧摩以十季鑿險繩幽抉髓摛腎神來筆下妙到毫端語乃驚人句堪已瘡苦吟髭斷破卷筆神萬丈光燄名雄李白千秋膏馥字掩奩黃可謂無

義不接無房不發豈非注家巧匠詩史功臣也乎後之覽者未可忽諸

大邑縣脩橋堤簿後跋

世儒有云爲善存好名之心望報之意便不是善此言似是而實非也今試執智者而語之曰爾出金若干可以救數命爾身必罹患難子孫必不顯達則必拂然怒今試執愚氓而語之曰爾出金若干可以救數命爾身必免患難子孫必能顯達則必怡然喜何也激之以名動之以報應所以勸也如農夫沐雨櫛風終歲勤苦原期有秋而曰不望汗邪之獲豈人情乎此子所以嘉歎脩理橋隄不悅泉

養素堂文集

卷三十四

三

刀之照善民也今將去任矣異日有可爲之事足利濟人者爾眾悉心勉爲之必有昭昭之報當以余言爲符契

養素堂文集卷三十五

老威張 澍介侯

述

先 府君行述

嗚呼

府君竟棄

不孝

而長逝耶

不孝

自甲寅登鄉薦

以後即在京肄業迨己未科成進士與館選冬月乃請假

旋里奉侍晨昏辛酉春仍赴都散館蒙

恩改授外任銓貴州玉屏縣知縣抵任後遣寇安輿 府

君行至襄陽患目眚不能前進乃返家術 不孝 於次季即

謝病還里依膝下者三季以家計艱難旅游大江南北歸

養素堂文集 卷三十五

一

而至講蘭山實違宦省之日多矣及嘉慶十五季起病赴

選例台告近乃於十七季銓得四川屏山縣缺十八季二

月到任即迎 府君至署中凡 不孝 所以折獄弭盜劭農

課士 府君靡不訓示周詳事事以實惠及民寬厚慈良

為 不孝 得以遵循術絲獲免讐郵者實賴 府君之教

也至二十一季冬以五妹季及笄將出嫁蔡氏乃偕 母

袁安人歸涼每寄信蜀中戒以居心豈弟母恃明察 不孝

謹守之勿敢怠後以署任陳某貪黷殃民事上揭大府入

奏奉

旨陳某革職

不孝

解任質審

府君知

不孝

之為民也寓

書訓以處事權變不激不隨之道案定陳某論城且不孝
免議入奏大府檄署大匡幾六月而本任趙君回任乃委
署銅梁接 府君手諭言明春來蜀聞之喜甚擬於冬月
遣人往迎旋調辦秋闈揭曉畢委署南谿不二月而 府
君棄養之信至矣嗚呼痛哉不孝皆 舉深孽重以致天
降酷罰罹斯凶鮮民之生生不如死顧念 府君平生
去身行已卓有本末願德懿行鬢序推服足以矜式閭里
而垂範後人儻不及今詮次一二或致泯沒不章則 不孝
之辜滋重用敢和淚濡墨謹就耳目見聞竊陳梗概伏冀
當代大人先生垂覽焉

養素堂文集

卷三十五

二

府君姓張氏諱應舉字聘九行三世居荖咸

祖誠一公諱德厥性嚴毅好面折人過感鄙皆畏敬之有
難事輒來商策畫與之決嫌疑分利害各厭其意而去生
我 府君及叔父應甲 府君性寬厚博大不知人世有
機械事勤學攻苦敏於文一日可得制藝十餘首深雄雅
健機杼各異浩然充沛無支詘態同學者咸懃服邢退莽
先生督學秦中校試至涼州得 府君文激賞之遂遊庠
府君既以績學工文爲時輩推許而與人交尤款款懇
懇貞亮直樸鄉邦咸欽重焉時 祖誠一公病肝鬱往往
忿怒 府君曲意承順柔色怡聲設端解譬晝夜侍湯藥

無敢少懈既而病益革 府君籲天祈禱願以身代久之不起 府君哀號辟踊痛不欲生水漿不入於口 先祖母臧安人慈諭開導始進糜粥旋 先祖母病 府君與

吾 母調理飲食不解衣者數月親嘗糞汁以卜休咎

先祖母又棄世 府君則大痛曰吾無以爲恃矣異日縱

能顯揚何益乎乃於衣衾棺斂飾終之具詳慎經營訖儀

特爲周備越三歲 不孝瀝生彌月而質狀奇異 府君甚

愛之十二歲而歿 府君畫傷不已及 不孝瀝生家計已

中落西北鄉尚有田二百二十餘畝叔父性窳惰嗜飲博

用羣小言日曉曉求析居 府君以寡兄弟延親友勸之

養素堂文集 卷三十五

三

不允乃擇田之上腴者器具之精好者付之未數月鬻其田斥賣器具無以爲生 府君仍召同同居居半載復求

析勸畱卒不允又擇田之上腴及器具之精好者畀之未

數月復鬻其田斥賣器具無以爲生凡如此剖分者七次

而二百二十餘畝之田無半稜苴家具亦靡有子遺矣

府君乃授徒度日猶時時周濟之後復召回以至病歿所

以待之者極爲篤至雖毀家不怨也 府君館在西城隅

龍王宮前爲演菜場有廳榭校射處也乙丑夏月犬暑

後有參戎胡君游戎周君數輩來館請 府君同去射鵠

時日猶赫燁序坐廣庭方茶飲見一人反披破袈裟髮鬢

鬚然長數寸被面面黝黑如鬼依矮屋門蹲踞語啣不可辨少選呼其孫來兒 府君聞其聲似習之者徑前問曰爾爲誰其人以手撩髮目匡深陷仰而曰君爲誰 府君曰余爲某其人乃噉然哭曰君乃張某余則劉文洵也 府君曰子何以至此乃爲 府君縷述云蓋文洵之父名統任直隸任丘縣令署易州知州歿而貲財尙豐文洵志進取以家事授其子至關中書院肄業十年卒不獲雋而歸歸而田宅蕩然二子乞食邨野簡依墟墓以居文洵憤恚甚月餘曰遂旨隨其子行丐於城因憩演菴廳旁之小屋也 府君悲愍之不暇射急返館呼孀人與之鬻髮

養素堂文集

卷三十五

四

薰洗取家中裕衣衣之次日徧貽書於同侶俾其伙助或給錢或與衣數日而得錢百餘緡衣十餘襲 府君乃爲之賃廡以處向營中爲之道地俾其二子食步兵糧於審厝瑤函中檢查醫目良方爲製藥閱三月而文洵之目炯炯然文洵每對人法曰使吾之目復明得見天日不至饑寒死者聘九公之力也 府君嘗於冬日在館所佇去有 一人號泣跪於前曰母死無棺 府君念無以爲助即脫皮裘與之曰持此歸可買棺也後有友人言此人實無母蓋習知 府君之慈祥愛施而故誑之也然 府君卒不因人之誑而減其志見貧窮者推解迄不少愴其寬宏而

樂予也如此至於同族某謾詐不測貪饕無已時時陵躪多方容讓傾貲付之不以介意尤爲人之所難能也嘗語不孝曰我之學力自困勉錄中得來天下無不可安之境無不可處之人無不可解之事小子其志之蓋府君之能廓乎有容犯而不校皆自窮理盡性力學中來也不孝以薄劣獲與庶吉士之選適值上

純皇帝尊謚恭遇

覃恩馳贈 先大父誠一公爲儒林郎 先祖母爲安人

府君亦

封如謝官 先母

養素堂文集

卷三十五

五

封贈安人所以酬深恩者止此嗚呼痛已憶 府君在屏

山署日不孝聽詞訟見民有頽稷者或怒呵之退堂 府

君必痛誠之曰愚民見官長辭不能達意須反覆開導俾

其覺悟則易於從善若疾言厲色使之畏懼奚由得其情

耶夫人心說誠服示以方嚮則歸之也如流水若束縛之

苦處之則恐而思遁於法未有能樂於改過者也不孝時

佩之以爲藥石孰知言猶在耳而頽儀杳不可復覩痛忍

言哉痛忍言哉 府君凡十入秋闈累薦不得售所箸有

真知錄四卷藏於家 府君生於乾隆十三年七月二十

一日丑時嘉慶二十四年九月二十五日辰時終於里第

享年七十三

誥封儒林郎配張安人家藏誥勅本元高昌王阿而的亦都護之後入明改姓張氏先府君歿長子濂十二歲卒次即謝嘉慶己未科進士

欽點翰林院庶吉士辛酉散館奉

旨改授知縣銓貴州玉屏縣知縣後選四川屏山縣知縣娶楊氏叔洵十八歲卒季濤十一歲卒女三長適孟次適蔡季字劉未嫁卒孫三延壽稟疾無咎皆謝出謝昏庸無知重以苦由餘生語無倫次惟希當代大人先生錫之銘誄用光泉壤則不孝子孫世世感且不朽

養素堂文集 卷三十五

庭訓述

澍已未館選後十月請假省親于十一月杪抵家侍

先府君夜坐圍爐

府君曰近時才俊之士多講漢學而厭薄宋儒小子慎毋然宋儒于制度名物誠不如漢儒之得真然援索義理細入彙彋使人省惕以檢束身心良可師法未容輕訾議也府君曰聖賢教人莫大于改過自以爲無過而過乃叢集矣孔子自言無大過尙不能必小過之無也顏子不貳過蓋知之未嘗復行也子路喜聞過故令名垂于無窮也今之人聞人言其過則悻悻然怒于色呶呶然怒于言非止

誦自修正誦無辯之謂也夫飾非者必拒諫文過者必招尤以小過爲無傷是謂小人改過而不吝乃成大聖爾小子其慎之

府君曰世皆言李斯勸始皇焚書坑儒其實啟于商鞅韓非子云商君教秦以連什伍設告坐之過燔詩書而明法令塞私門之請遂公家之勢禁游宦之民顯戰耕之士是燔詩書之議本于商鞅李斯踵其後而扇虐燬耳

府君曰夫子云有一言而可以終身行之者乎其恕乎能恕則能仁居心必不谿刻也能恕則能忠待人必不譟詐也孟子言自反即恕之說也且能恕則必謙謙而必讓則

養素堂文集 卷三十五

汎大矣能恕則必敬敬而必方則義行矣
府君曰溼儒以土神爲知水神爲信者蓋土厚重厚重則誠誠則明所謂寓精明于渾厚也水有朝夕來不愆期所謂盈科而後進也至于木神爲仁者仁生于木也如木中之桃杏皆有仁仁生意也即人惻隱之心也

府君曰爾小子性剛善惡太分明非處世之道宜學婁師德之勛其弟啞面自乾也尙書大傳六戰篇云罵汝毋歎啞汝毋乾毋歎毋乾是謂艱難師德之說本之能此則可處世矣

府君曰馬宛斯釋史引孟子逸文甚備小子能數之乎澍

遂述十餘條至廣韻引孟子曰六十四乘爲一圭何獻
府君曰此非孟子文也濼書律麻志云量多少者不失圭
撮注孟康曰六十四乘爲圭廣韻誤引爲孟子也孟康亦
稱孟子經典釋文序錄有孟子注老子二卷或曰孟康也
府君曰孟子言湯十一征蓋謂用兵十一次非必指十一
國也紀季帝癸二十一年征有洛一也遂征荆降二也
二十六季滅温三也二十八季征韋四也遂征顧五也二
十六季取顧六也三十季征昆吾七也三十一季征夏邑
克昆吾八也戰于鳴條九也征三朶十也戰于郟獲桀于
焦門十一也故曰十一征而無敵于天下然湯初征自葛
養素堂文集卷三十五

八

始或有洛卽葛也

府君曰韓昌黎文張廵使雷萬春詣賀蘭進明乞救兵而
錢易南部新書以爲廵使許遠其不同如此昌黎唐人當
得其實

澍在屏山任迎

府君子官舍侍養事事迺教遵循術絲藉免讐郵而澍性
嚴毅審案不無譙讓呵責
府君每誨之曰觀衆所爲是未得讀書之益也試觀濼書
循吏傳序云與民休息又云禁網疏闊又云寬厚清靜又
云謹身帥先居以廉平又云政平認理皆寬之謂也如文

翁則仁愛好教化正成則勞來不怠黃霸則明察內敏特用寬和爲名持法平祇去其泰甚朱邑則未嘗笞辱人存問耆老鰥寡遇之有恩龔遂則選用良吏尉安牧養召信臣則賑民如子爲民興利務在富之此五人者曷常束縛百姓使之畏愬脅息哉即東漢循吏十二人皆不以弦急爲心而推惠及人故說我風愛也小子其勉之

府君曰爲官須要明然不可恃明也恃明則偏猾役奸胥必窺官之意旨以中之其害有不可勝言者必將之以虛持之以公乃可然今世却有明而不公者貪戀賂賄顧惜情面不難慎到是罪遂使孤另之人受其荼毒此民之蠹養素堂文集卷三十五

九

賊也尔小子其慎之

府君曰文人相輕自古而然吾恐其非真文人也若真文人豈有相輕之理杜工部爲詩史于王楊盧駱極其推挹而楊大季乃有邨夫子之目李太白爲詩仙讀黃鶴樓詩奇賞崔灑而薛能竟有終無取之誚是其居心浮薄鄰子夸誕是白非丹愛幸忌苦是爲蘭蔽尔小子切勿蹈此

府君曰今之有司孰不欲激揚士類敦崇風俗而士習卒不端民風卒不淳者何也徒虛名以市譽無實心以行政也試觀古人之訓士庠序謹教申以孝弟古人之教民農桑勤課厲以廉耻故城爾無佻達之荒游鄉里民耨耜之

德色今何如哉然匹夫行善閭里守劍于塗而不去脫驂于路而不名由薰其德而善良也况有司握權宣化承流自屬易易乃士有倘矩則曰劣衿民有踣爭則曰敗類豈果士民之臯乎尔小子能誠心督率吾知害馬自去威鳳自來矣

府君曰老子訓人以柔謂舌柔則長存齒剛則易缺誠保身之挈令也然正有分別有堅忍之柔有異懦之柔有果毅之剛有彘厲之剛若見事畏避則近于怯遇人夸毗則近于佞非柔也若湯火必蹈則鄰于闇毗睚必報則鄰于賊非剛也故箕子陳洪範則曰沈潛剛克高明柔克吉甫養素堂文集卷三十五

十

先安人母氏遺事述

嗚呼澍之違母氏蓋自九歲至今矣猶憶澍八歲時舅姪病亾侍安人往弔其居在北門外于家灣去城二十里所既至哭奠畢舅氏畱宿一日偶與安人至後院見中室設祖宗像貌皆高鼻大顴危冠珥貂有書湖廣行省平章政事書左丞相者有書佩盒虎符大將軍者有書佩珠虎符大將軍者有書佩三珠虎符大將軍者如此凡數十適舅氏幼子趨過安人呼而止之語澍曰尔舅氏家在前朝通顯多以菴功著所藏誥命尙夥今尔舅業農田日廢

諸子窳惰家益落慮年老且抑鬱奈何言之淚纏纏下廚時亦哭失聲不知何心之所感也居數日舅氏車送歸家日纔眖安人下鑰啟戶樹見一大鹿毛色蒼白滿身梅花團自樓西奔入廚而廚門故尚扃也急爲安人言之安人曰是尔小子異日得祿之徵也夫鹿者祿也且爲多壽之獸願尔異日長年母之願也後值端陽節日正午安人方在廚蒸棗糕樹彘几啟牖見後院一紅裳女子揚袂翩舞顧予而笑欲取木樨擊之倏忽而隱語安人曰是有鬼安人曰何也語之故安人曰非鬼也鬼則白晝何能見形亦非恠也此室居數年殊靖謐茲無變異蓋紅裳屬火火陽養素堂文集卷三十五

七

也今正陽之月見之月又陽也然而爲女子乃陰也夕當慎火至夜果竈突煙起壁中木柱然膊膊作聲急水灌之乃息凡安人之見事明而析理精也如此恨澗棄養日早而齒又稚無由備悉安人之嘉言懿行也今就所知者筆之蓋不勝涕泗沾襟云

屏山縣志目錄序述

山河兩戒辰宿列張分精布氣巡應州疆岷山并絡建福會昌焉湖分野并鬼馳炎步變擿微職司保章在天塗象

以觀妖祥作星野志弟一

縣志可不紀分野而屏山實馬湖府全境故俗之

后季甄度姬旦測圭郡縣既設廢置分離繫推結者西南

之夸唐蒙通道高駢鎮陞樾爲越嵩契道朱提江山未改
尋端得倪佺建置志弟二

秦圖溼籍今也煙泉四至八到儒生芟裁矧此僻遠準望
誰該襟滇鑠蜀界馬分雷金沙浩浩錦屏崔崔幅幘遼闊
諸葛曾來佺疆域志弟三

夏官司險秋官職方周知地防牝牡陰陽左擔五尺馬搏
牛僵登高臨深青蛉黃螂山河信固苾部陸梁誰與佺鎮
弛乃邊防時雷波
夸滋事佺形勝志弟四

玉臺金堂馬湖龍谿客兒展阻桑氏經迷遂令奇奧鬱湮
品題齋漂若水嶽嶽靈端映崖魚畏采幹援嘯况乃阨塞

養素堂文集

卷三十五

三

有踰沈黎佺山川志弟五

鏹土而流鬣郡而縣溼唐元明屢經夏變惟我

熙朝當官敘選文能畜罔耆亦懂戰王烈徐清寇剛張練

王箭趙榮尤爲稀見佺職官志弟六

在管文黨廣厲學官朶殿石室績古衣冠通經司馬箸籍

景鸞遐哉杳矣風教積殘馬湖城闕佻逢泮桓爲師儒者

試誦河干佺學校志弟七

賓興周世賢良溼廷魏晉中正唐宋明經踵而行之帖括

拾青士皆入彀才不充莛伊此邊邑科第晨星隆隆離起

曰賴地靈佺選舉志弟八

青衣白弩蓋部之風屏維邊裔樸俛蒙彊者狼顧弱乃
域工輕生鴻毛貪利蠅蟲不宣教化佹佹奚從載移載易
鄒魯其同作風俗志弟九

聖賢教澤山水精英含靈復性世乃昇平山林廊廟出處
飛聲蓋部耆舊承祚甄明今不古若據發幽情願繼起者
祇行厲名作人物志弟十

符水光絡棘道黃帛自溼以來鬱有芳烈朴紀孝慈亮甄
貞潔維茲屏邑山峭水激男也勁剛女兮絕沒敢恡管彤
以湮風節作列女志弟十一

瀘水之南邛都之東諸夸盤踞毒肆蠱蜂縣境在腹臑乃
養素堂文集卷三十五

三

臯雄今也滌盪邊徼息烽兵屯鐵鑠隘設煙峯蜀滇作固
龍馬或逢作邊防志弟十二

深林密箐實產良材香栴百丈倚生崔嵬在笱勝國神木
超厓我

朝營建工度頻來艱難五事上逢平臺山靈感惠木客停
哀作木政志弟十三

馬湖之郡笱爲蠻服長官司土明四元六犬芊跳梁屢經
或戮改土爲流路無虎哭我

朝寬仁延其氏族貢馬輸誠折盒憫馭作土司志弟十四
子雲荒宅涪翁邃洞薛氏書樓楊君筆甕馨逸至今誰不

懷夢游屐脫齒吟肩荷鬣壯心題橋羈懷弄棟豈必咬名
呈掃區霧作流寓志弟十五

卿雲景徂蘇李音沈龜毛免角不古不今旁按遠紹披沙
揀金或爾利病或切規箴風雲月露付之炳蟬擇其尤雅
爲得失林伯菽文志弟十六

瀘谿縣志總目序述

朝代賀遷都邑肇錫簡或劇繁繁又分析是縣初基紀季
萬厯雙鶴來翔百雉爰璧志建置弟一

白阜初定黃圖以開千里共月百里聞雷此彈丸者亦銅
綬哉不勞章亥自得埏垓志疆域弟二

養素堂文集

卷三十五

古

易箸城隍容民畜眾重門爲闔麗邦則甕環以流波于焉
制控勿令積陀黃衣入夢志城池弟三
誰畫其寢誰芳其榭燕去鴻來眇同傳舍家無琴聲徒聞
宣夜風雨攸除何庸大夏志公署弟四
文黨守蜀董厲學官馬卿張叔鳴鳳翔鸞惟茲僻邑雅富
衣冠儻能振興史逢誰姍志學校弟五

食毛踐土納賸宜焉催科可拙撫字爲先何有頑梗追呼
弗前滋生日益勿俟恩調志賸役弟六

飛芻而輓改爲折邑既息其勞宜感其德積歉纍纍母乃
愆忒嗟尔農民敢忘君國志漕折弟七

張融海賤恨不道鹽瀘食淮鱓鰲波遠沾梟徒充斥民爭
價廉禽捕曷易變通勿淹志鹽引弟八
益蘭高柳飛狐下雉其邑言言其形齒齒瀘雖遐僻山水
環峙巖障屹然陂池瀾爾志形勢弟九
大覺小覺峯連出雲規水稅水波合瀘濱竹木菡蔚魚鰕
闕貶鍾靈毓秀瀘異舍芬志山川弟十
容々暨々虞書有言流惡鍾美自左有論爲堰爲泚乃隄
乃門早暘無虞是在養源志水利弟十一
雨畢除道水澗成梁天根辰角夏令有章褰裳褰屣涉者
徬徨不障不舟取譏單襄志津渡弟十二

養素堂文集

卷三十五

五

民以養兵兵以衛民近或秦越甚者鵠鶉萑苻早緝風鶴
無驚據險隄要勿曰時平志防守弟十三
古人有言詔書挂壁州縣之符急如霹靂今也不然羽空
插檄實額選徭政在按剔志舖遞弟十四
鄒魯儒雅秦晉堅確江右清雫晉焉稱卓邑小風淳土腴
俗樸移易爲良勿守齷齪志風俗弟十五
惟其顧大是以蕃滋繁茲叢余生殖何資勤則不匱儉乃
無虧不材由沃古語其欺志物產弟十六
禦菑捍患祀典攸昭忠良節義礼宜不祧屏嚮薦營瀝鬱
奠椒棟梁孔固俎豆其雕志祠廟弟十七

香積蘭若仙佛所栖晨鐘莫鼓臣醒沈迷寫經集鶴誦梵
吹蠶何必雄利始稱招提志寺觀弟十八

伊何人哉過墓不哀狐黠老窟荆棘荒堆石磨埋沒紙錢
飛來掃除酬奠子孫肝摧志冢墓弟十九

荒煙古碣蔓草穹碑何年亭榭前代尊彝摩挲憑弔灑落
襟期管人往矣疑以傳疑志古蹟弟二十

縣大郡小姬周之制兩漢令長區分品弟輔置丞尉師儒
濟濟更替遷除較如誼系志秩官弟二十一

坐堂皇上曰父曰母保障繭絲二塗奚取清病無魚苛誚
爲虎芟蝨字良何慚卓魯志宦業弟二十二

養素堂文集 卷三十五 六

九品中正古稱得人今尙科弟俊異麟麟誰咄風藻安廁

王寶科名不負昆曰席珍志選舉弟二十三

母曰蓮脍賢喆蒸蒸處抱白璧出舒朱繩或文而鳳或莖

而鷹義捐西粟孝感丁藤志人物弟二十四

秋霜厲志皓月明心勁竹成節雌鸞獨吟尊章慝志藐孤

嗣音綱維世教曷弗欽欽志列女弟二十五

寄客寓公曷擇匪地賢者履筇山輝川媚燒燭唵詩磨崖

佗字姓氏芳香實勞遐思志流寓弟二十六

二氏之教吾儒弗譚究其宗旨義味包含山栖雲岫寺處

香龕宅心事外陋彼僂蠹志仙釋弟二十七

